

Premio Letterario di poesia e narrativa “P. Fiano” 1[^] edizione 2017

Sezione B: Poesia vernacolo

Primo classificato Antonio Covino

Guagliuncella

Te tengo mente quanno scinn' 'e scale,
sì piccerella ma te faje guardà
cu chella grazia 'e quanno vaje â scola
sì troppa bella e chesto tu 'o ssaje già.

E aret' 'e mmure d' 'o palazzo vecchio,
nu poco 'e trucco, ll' uocchie t' ij' 'a pittà,
e po' te 'mmire ancora dint' 'o specchio
'e pressa 'e pressa ca nun vo' papà.

Cu 'e cumpagnelle po' continue 'a strata,
na resatella, a tutte 'e faje avutà,
pecché è aggraziata pure 'a cammenata,
cu na guardata tu 'e faje cunzulà.

Te tengo mente quanno scinn' 'e scale,
tutto 'ncantato ca me faje sunnà,
vola 'o penziero a quanno tale e quale
fuje mamma toja a me fa' 'nammurà.